

## مختارات من أغانى الجبادة

الى يحبك يودك \* \* \* ويعطيك وتقل بيدك

واللى ما يحبك يردك \* \* \* على البعد ناره تصيدك

الى يحبك يودك \* \* \* من الماء اليا كان بارد

واللى ما يحبك يردك \* \* \* اليا جيت عطشان وارد

الى يقلك اتقله \* \* \* حتى كان حملك رزاني

واللى يخليك خليه \* \* \* لوكان بن عم داني

الى يسلف جمامات \* \* \* يردوه لجواد وافي

واللى يشبر نذرعوله \* \* \* سوى حرب ولا عوافي

الى يشيلك تشيله \* \* \* وخلي المحبة وراثه

واللى يفوتك بقدمين \* \* \* ياجب تفوته ثلاثة

الى ما يقلك بعوجاك \* \* \* ولا له ثنى في سقامك

واللى ما عرف شور معنك \* \* \* عليه ما تخسر كلامك

الى حرث يحرث البور \* \* \* والا رقيق الترابي

واللى حرث في مسارب \* \* \* ماهو على الزرع عابي

ليا جيت للشمس تكويك \* \* \* وليا جيت للظل بارد

واللى ما يحبك من القلب \* \* \* على الدوم تلقاه شارد

السو ينشوه للياش \* \* \* وبعده يجوا عن ايساره

يقانوه شياب لدوار \* \* \* سوى ربح ولا خساره

ما يوجعك موت للحاد \* \* \* موت الحياة هو الغبينه

من صاحباً بعد لوكد \* \* \* نكرني وغبين اسنيه

الى مشى عنك بميلين \* \* \* وراه لا تكثر نزاعي  
واللى ذهب أول الليل \* \* \* مع زرقة الشمس ياعى  
الى زرع يزرع القمح \* \* \* ويختار لرض الكريمة  
انشد على بنت الاصول \* \* \* راخيرك من غنيمه  
مرسول ما جابلك علم \* \* \* إلا برجلك تواصل  
والحز ما يكسر العظم \* \* \* كان ماجي عالمفاصل  
ما ينفع الضرس لطباب \* \* \* سله<sup>59</sup> وخلي مكانه  
وما ينفع العذر لصحاب \* \* \* وهم ناويين الخيانه  
ما يرقد الليل ميجوع<sup>60</sup> \* \* \* ولا يسمره كل بارى  
ولا ينقبل شاهد الزور \* \* \* ولا ينفضح من يدارى

59 - اخلعه او انزعه

60 - موجوع

ياشوم من كثر اللوم \* \* \* \* \* يرخص اليا كان غاي

خشاش البحر بلا عوم \* \* \* \* \* قليل النجا عند باي

يا صاحبي عدّ وانعدّ \* \* \* \* \* ويش بينا من سوايا

اما جرى بينا الود \* \* \* \* \* والا انقطع يا منايا

الى ما يشارك من الروح \* \* \* \* \* ما ينستر من بنادم

ولا ينقصد وجه مكشوح \* \* \* \* \* ولا فاعل الخير نادم

تبع طريق المجدة \* \* \* \* \* لا يخطفك مسارب

ياهارب عن قضا الله \* \* \* \* \* ما عن قضا الله هارب

ياحارث الشوك من توه \* \* \* \* \* اتشوف العجب في دراسك

وياحافر حفرة السو \* \* \* \* \* ما تحفر الا قياسك

ما صايبه قللت مال \* \* \* ولا كثر المال حارس

ولا طول العمر ذلال \* \* \* ولا قصر العمر فارس

احيه يا قايدي فيك \* \* \* ما بيت تاخذ نصايح

كلام العرب ما يوعيك \* \* \* ايجيبك على الجمر طايح

اني نحسبك عود تفاح \* \* \* نبي نغرسه في جناني

لقيتك كما عرق سويد<sup>61</sup> \* \* \* من مالحات السواني

رق الغرض جيب لدناس \* \* \* ومن خاب جي للشنايع

على حجة ما لها ساس \* \* \* يلوذوا بها بالجمايح

والله ما وردنك \* \* \* على بير ما فيه عاليه

تأتي بلا وعد منك \* \* \* عطشان والماء قبالة

<sup>61</sup> - نبات يعيش بالسبخات شبيه بالاثل

مسكين يبني بلا طين \* \* \* يبغي الغرف والمجالس

واللى يحاذي العفنين \* \* \* عدوه ياناس فالس

مسكين يا كامل الزين \* \* \* يدلل بهن قياداته

لكان هو صبر غير يومين \* \* \* مراسيل لجواد جاته

تعال يا سزي وارفع النار \* \* \* وقول يامريض ويش حالك

وان كان خايف من العار \* \* \* انداروا مناقد عيالك

وين غبت يا فايز الجيل \* \* \* يا كحل في عين نايم

جي دمع عيني تبعثير \* \* \* بلا غير شدة عزائم

برقا شلع بين نزلات \* \* \* احتار قايدي في منامه

خلا الجواجي عليلات \* \* \* بلا عقل يمشن جهامة

جت خاطمة عند لفجار \* \* \* واقناعها ضافياته

وحدودها يلهبن نار \* \* \* جمّار قلبي حذاته

حسبت النجوم الف نجمة \* \* \* بلا سهيل والمرزماتي

خطمت عليّ ام وشمه \* \* \* وخدودها نايراتي

ياوحلتي بين لثنين \* \* \* يالادره<sup>62</sup> من نداري

ظنك انداري حجي العين \* \* \* والا غزال الصحاري

تعلا رقيب الثريا \* \* \* وغطاه ضي المرازم

والي يبيبعك بسيه \* \* \* تجفاه وتظل عازم

المال عوقة بني عم \* \* \* والطير عوقه جناحه

وعوق الجمل يشرب الدم \* \* \* والخف عوق السماحه

ليام هن والليالي \* \* \* غرمة اشحاح الطلاب

الي ما غدن له بغالي \* \* \* عليه حاطات الرقايب

مهبول من يطبخ الفاس \* \* \* ويبيغي المرق من حديده

ومهبول من يامن الناس \* \* \* وراحوا اصحاب العقيدة

الخيلى هن كلهن خيل \* \* \* وتاو العشا يحسبوهن

وليا لاطمت خيل في خيل \* \* \* أهل العوايد ايجوهن

خرط الورق يهزب العرف \* \* \* والقل يغبي الاصايل

ولعمي ليا لاطمه جرف \* \* \* يحسب حساب الوحايل

شدوا حزاماتكم زين \* \* \* وكونوا كبار العزايم

الموت راهي بالاجال \* \* \* والله ما حد دايم

وعيب الجملى كيد حملة \* \* \* وعيب الجواد الحرانه

وعيب الصغير صاقل الفم \* \* \* يظهر جوارح لسانه

الكذب ساس المغرّة \* \* \* يقطع لسان المعاشي

يعيشك في الدهر مرة \* \* \* ويبيتك ليالي بلاشي

أخيّه من جار بُوْبَاح \* \* \* ومن حمل ثاقل ومايل

ان تكلمت نلت لقباح \* \* \* وان سكنت ريت الشغايل

شُقُ الجبل شُقُ مِنشار \* \* \* وتمدّس ليا كنت حافي

ومشّيك مع طير لنجاس \* \* \* تُنْقَصُ ليا كنت وافي

ياعين شبي النظر فوق \* \* \* راؤ التواطي غبينه

ومن عز نفسه بدا شوق \* \* \* وتبدأ العرب شاهيينه

مشيك على الرمل ينهال \* \* \* ومشيك على الجمر حافي

ولعبك مع دون منك \* \* \* تُنْقَصُ ليا كنت وافي

ما حر سية حبيك \* \* \* اللى ما تبيهاش منه

تسمر مياميك في الليل \* \* \* وتقطع عروق المحن

انى نشكيله من الضعف \* \* \* وهو مختبل في صراعي

واخيه من قلة العرف \* \* \* ومن صاحباً ماؤ واعي

انشد على الزرع فلاح \* \* \* وانشد على الجار جاره

وانشد على السر بوباح \* \* \* واعرف منازل اخباره

ان سميت سمي محمد \* \* \* وان ناديت نادي سعيده

وان حاذيت حاذي الزينين \* \* \* ايداروا على اللي بعيده

اللي ما يعيني على الدهر \* \* \* ما هوش لى من دمايا

لو يصب حِكْمه<sup>63</sup> بعد شهر \* \* \* تعيني على جرى مايا

<sup>63</sup> - وعاء من سعف النخيل يستعمل لجذب الماء من البئر في الجنوب الليبي

عيش بالمنى يالكمون \* \* \* بكره ايجيك الشرابى

يوم يكذب على يوم \* \* \* لين يالكمون طابى

زرع الليالى وفورار \* \* \* هي مخاطره عند بالى

يغنيك عن طعمة الجار \* \* \* ويشد عزمك لتالى

كثير الرغى لا تحاذيه \* \* \* يبرطع ايطيح رحالك

وذيل العرب لا تحاذيه \* \* \* يهنشل يكشف بحالك

سلامى عليكم سلامين \* \* \* سلامى عليكم بزايد

على اعداد ما كيّل الكيل \* \* \* من المير وان الحسايد

\*\*